

Nakorsaatit pillugit Inatsisartut peqqussutaat

Kalaallit Nunaanni Peqqinnissaqarfik pillugu Inatsimmi nr. 369-imi, 6. juni 1991-imeersumi § 1 aamma § 3 imm. 1 aamma 2 naapertorlugit aalajangersarneqarpoq:

Kapitali 1 Atuuffissaa

§ 1. Inatsisartut peqqussutaanni pineqarput nakorsaatit. Nakorsaatitut pineqarput suulluunniit:

1) inunni uumasunilu nappaatit katsorsarnissaannut pitsaliornissaannulluunniit atorneqarsinnaasutut ilisaritinneqartut, imaluunniit

2) inunnut uumasunulluunniit atorneqarsinnaasut imaluunniit tunniunneqarsinnaasut nakorsaatitortitsinikkut, tunillatsitsinaveersaarnikkut imaluunniit timip inuussutissaminik suliarinninneranut sunniuteqartitsinikkut timip pigisaasa atuutileqqitsinneqarnissaat, allanngortinnissaat sunniuteqarfiginissaalluunniit, imaluunniit nappaammik suussusersinissaq siunertaralugit.

Imm. 2. Peqqusummi pineqanngillat:

1) Uumasunut akiuussutissat serummillu.

2) Inuussutissiat inuulluarniutillu, uumasunut nerukkaatissat, nerisanut nerukkaatissanullu tapertat, ilanngullugit vitaminit mineralpræparatillu kiisalu nioqquqtiessat kusassaanissaq kisiat siuneraralugu ammip qaavatigut atugassiat.

Imm. 3. Inatsisartut peqqussutaanni aporfissaqartinneqanngilaq qallunaat nunallu allamiut illersornissatigut issimaffisa, umiarsuit sorsuutit sakkutuullu silaannakkut angallataasa sakkutooqarnikkut pilersuiffit aqqutigalugit nakorsaatinik tamakkiisumik pilersorneqarsinnaanerat.

Kapitali 2 *Qitiusumik nakorsatileriffik Nakorsatillu pillugit ataatsimiititaliaq*

§ 2. Qitiusumik nakorsatileriffik Naalakkersuisut pilersittussavaat. Qitiusumik nakorsatileriffik Nakorsaatit pillugit ataatsimiititaliamut allatsitut suliassanik § 3 naapertorlugu sullissisuussaaq, nakorsaatinullu tunngasut ineriartortinneqarnerat malinnaaffigissallugu.

Imm. 2. Naalakkersuisut qitiusunik nakorsatileriffik allaffissornikkut suliassanik annertunerusunik suliakkersorsinnaavaat.

§ 3. Nakorsaatit pillugit ataatsimiititaliaq Naalakkersuisunit pilersinneqassaaq, taanna nakorsamik siulittaasoqassaaq, ilaasortallu sinneri toqqarneqassapput peqqinnissaqarfimmi nakorsanut, peqqissaasunut, nakorsaatinut tunngasunut, allaffissornermut aningaasaqarniarnermullu pissutsit

tunngasut ilisimasaqarfingeqarnissaasa qulakkeerneqarnissaat eqqarsaatigalugit. Nakorsaatit pillugit ataatsimiititaliaq nakorsaatit pillugit apeqqutini Naalakkersuisunut siunnersuisassaaq.

Imm. 2. Nakorsaatit pillugit ataatsimiititaliap makkuttaaq suliassarai

1) Nakorsaatit assigiinnitsut pigisat akunnaallisarneqarnissaat nakorsatinillu atuinerup annikillisarnissa; katsorsaanerup sunniuteqarluarnissa, aningasaqarneq, isumannaatsuunissaq katsorsasarnermilu ileqquliussat eqqarsaatigalugit .

2) Nakorsatinut tunngasumik akunnaatsunik tunngavissiinissaq qulakkiissallugu, nakorsaatit qularnatsumik aningaasartuutilu qissimigaarlugit passunneqartarnissaat atorneqartarnissaallu ilanngullugit.

3) Nakorsatinik atuineq nappaatillu ineriaitarnerat malinnaavigissallugit.

4) Nakorsatinik passussinermi innersuassisarnermilu pitsaassusissap qulakkeernissaanut peqataanissaq.

Imm. 3. Nakorsaatit pillugit ataatsimiititaliaq nakorsaatit passunneqarnerat, sunut atortussaanerat atuinerlu pillugit Naalakkersuisunut siunnersuuteqarlutillu saaffiginnissinnaapput.

Imm. 4. Nakorsaatit pillugit ataatsimiititaliap katitigaanera suliassaalu pillugit Naalakkersuisut erseqqinnerusunik maleruagassaliussapput.

§ 4. Nakorsaatit pillugit ataatsimiititaliap nakorsaatit pillugit najoqqutassiaq tamakkiisoq elektroniskiusumik naqitanngorlugulu ingerlaavartumik tamanut saqqummiuttarpaa.

Imm. 2. Nakorsaatit pillugit ataatsimiititaliap pasitsaappagu najoqqutassiatus allattukkani nikingasoqartoq, Nunatta nakorsaataasivia imaluunniit inniminniisoq nassuaataasumik oqaaseqaateqaqquneqarsinnaapput.

Kapitali 3

Nakorsaatit

Nalinginnaasumik

§ 5. Nakorsatinik passussineq imatut paasineqassaaq nakorsatinik assartuineq, tigusineq, uninngasuuteqarneq, poortueqqinneaq, puulersuineq tunniussinerlu. Nakorsasersuineq taamatut oqarnermut ilaatinneqanngilaq.

Imm. 2. Nakorsatinik pissarsiniarneq passussinerlu pillugit malittarisassanik erseqqinnerusunik Naalakkersuisut aalajangersaasinnaapput.

§ 6. Nakorsaatit taamaallaat nakorsanit, uumasut nakorsannit imaluunniit nakorsasiortunit Nakorsaatit pillugit ataatsimiititaliamut nakorsasiorfimmit siumut nalunaaruteqareernikkut aammalu nioqqusiassap nalunaarutigineqareerneratigut sanaartorneqarsinnaapput. Tamatuma peqatigisaanik nakorsat nakorsasiortullu sanaartorneq Peqqinnissakkut Nakkutilliisoqarfimmuit nalunaarutigissavaat.

Imm. 2. Inuit imm. 1-imi taaneqartut saniatigut suliffeqarfut allalluunniit nakorsatinik aalajangersimasunik sanaartornissaannut Nakorsaatit pillugitataatsimiititaliap inassuteqarneratigut Naalakkersuisut akuersissuteqarsinnaapput.

Imm. 3. Imm. 1 naapertorlugu nalunaaruteqarnissamut iliuusissanik aammalu imm. 2 malillugu aalajangersimasunik nakorsasiornissamut akuerineqarnissamut qinnuteqaatit aamma akuersissutit

nalunaarutiginissaat pillugit Naalakkersuisut malittarisassanik erseqqinnerusunik aalajangersaasinnaapput.

§ 7. Nakorsaat akuerisaasutut isigineqassaaq Naalakkersuisut Nakorsaatit pillugit ataatsimiititaliap inassuteqarnera naapertorlugu nalunaarusiornikkut nakorsaatit allattorsimaffiinut ukununnga nakorsaammik ikkussisimappata:

- 1) Nakorsaatit innersuussutigineqartussaasut nalunaarutigineqartussaasullu (allattuiffik A).
- 2) Nakorsaatit innersuussutigineqartussaasut (allattuiffik B).
- 3) Nakorsaatit pisiassat (allattuiffik H).

Imm. 2. Nakorsaatit imm. 1 naapertorlugu akuerisaangitsut Naalakkersuisut akuersissuteqqaqqartinnagit:

- 1) eqqunneqarsinnaanatillu anninneqarsinnaanngillat, nioqqtigineqarsinnaanngillat, agguanneqarsinnaanngillat imaluunniit allatigut kaaviiartinnejqarsinnaanngillat,
- 2) passunneqarsinnaanngillat, imaluunniit
- 3) innersuussutigineqarsinnaanngillat allatigulluunniit inunnik uumasunilluunniit nakorsaanermi nappaatillu suussusersiornerini atorneqaqqusaanngillat.

Imm. 3. Nakorsaatip sunniuteqarnerata, ilakutaqarnerata imaluunniit pissutsit allat pingaaruteqartut nioqqusiap allagartaanit allaanerunerat akuersaarnejqarsinnaasumik tunngavissaqartumik pasineqarpat Nakorsaatit pillugit ataatsimiititaliamut tusarniaareernerup kingorna nakorsaammik imm. 1-imi nakorsaatit allattorsimaffianni ilaatinneqartumik Naalakkersuisut inerteqquteqarsinnaapput. Tassunga atatillugu nakorsaatip taassuma erseqqinnerusumik innersuussineq malillugu peerneqarnissaa, tunniunneqarnissaa suujunnaarsinnejqarnissaaluunniit Naalakkersuisunit peqqussutigineqarsinnaavoq.

§ 8. Nakorsaatit pillugit ataatsimiititaliap nakorsaatit allattorsimaffiini A-mi, B-mi H-miluunniit allannguutaajunnartut ikinnerpaamik ukiumut ataasiarluni Naalakkersuisunut inassutigisassavai.

Imm. 2. Allattorsimaffiiniit nakorsaammik Naalakkersuisut peersisinjaapput Nakorsaatit pillugit ataatsimiititaliamit tamatuma inassutigineqarnissaa piumasaqataanngikkaluartoq.

§ 9. § 7, imm. 1 naapertorlugu nakorsaatit akuerisaasut taamaallaat Nunatta nakorsataasivia aqutigalugu eqqunneqarsinnaapput, taamaattorli takuuk § 10 imm. 1 aamma 2.

Imm. 2. Inuit suliffeqarfilluunniit nunami maani nakorsaatinut toqqortaatinut akisussaasut nakorsaatinik pisiorfimmuit toqqaannartumik nakorsaatinik pissarsiarnissaannut Nakorsaataasivinnut nuna tamakkerlugu quillersap akuersissuteqarfisinjaavai. Nakorsaatit pillugit inatsimmi malittarisassat pissarsiartumit malinneqarsimannginnerinik tunngavissaqartumik pasinnittoqarpat akuersissut utertinneqarsinnaavoq.

Imm. 3. Imm. 2 naapertorlugu akuersisummik Nakorsaataasivinnut nuna tamakkerlugu quillersap akuersisummik itigartisinera imaluunniit utertitsinera Naalakkersuisunut suliassangortinneqarsinnaavoq.

§ 10. Nappaatip nakorsarnejqarnissaa pitsaliornissaaluunniit siunertalarlugu nammineq atugassanik akuerisaasumik pigilersimasanik inuit nunamut isernerminni nakorsaatinik nassarsinnaapput.

Annertussusaasa najugaqarnissap sivisussusissaatut naatsorsuutigisami atugassatut naatsorsuutigisat

sinnersimassanngilaat, sivisunerpaamilli qaammatini pingasuni atugassaassallutik.

Imm. 2. Nakorsaatit innersuussutigineqartussaasut nalunaarutigineqartussaasullu allattuiffianni A-mi ilanngunneqarsimasunik nakorsaatinik eqqussinermi taamaallaat najugaqarnissap sivisussusissaatut naatsorsutigisami atugassatut annertutigisut eqqunneqarsinnaapput, sivisunerpaamilli ulluni 30-ni atugassat. Aammattaaq nunamut isernermi uppernarsaammik nassartoqassaaq, nunami najugaqarfimmi oqartussamit piginnaatitaasumit tunniunneqarsimasumik imaluunniit uppernarsarneqarsimasumik, angalasullu nakorsaatinik pisariaqartitsineranik uppernarsaasumik.

Imm. 3. Nakorsaatinik inuit eqqussisinnaanerat annisisinnaanerallu pillugit Naalakkersuisut erseqqinnerusunik malittarisassaliorsinnaapput.

§ 11. Peqqinnissaqaarfimmi sulisut allatulluunniit nakorsaatinik eqqussuinissamut, passussinissamut imaluunniit tunniussisinnaanermut akuersissutaateqartut nakorsaatinik atuineremi, matuma ataani akiuussutissaliinermi, ilakutaritinneqartut siunertaangitsumillu pisut Naalakkersuisunut nalunaarutiginissaannut pisussaapput.

Imm. 2. Paassisutissat imm. 1 naapertorlugu nalunaarutigineqartut Naalakkersuisut Naala-gaaffeqatigiinnerup iluani nunaniluunniit allani oqartussaasunut allanut ingerlateqqissinnaa-vaat, inunnik ajoqusertoqarnissaa pitsaaliorniarlugu pisariaqartutut nalilerneqarpat.

Imm. 3. Imm. 1 naapertorlugu nalunaartussaatitaaneq pillugu Naalakkersuisut erseqqinnerusunik malederugassaliorsinnaapput.

Nakorsaatit pisiassat

§ 12. Nakorsaatit pisiassat paasineqassapput tassaasut nakorsaatinut allattuiffimmi H-mi allattorneqarsimasut.

§ 13. Nakorsaatit pisiassat tuniniarneqarsinnaallutillu tunniunneqarsinnaapput taamaallaat:

- 1) Peqqinnissaqaarfimmit.
- 2) Uumasut nakorsaannit ingerlatsinermik iluanni nakorsaatinik passussinissaminntu akuersissutaateqartunit.
- 3) Inunnit peqqinnissamik suliaqartunit namminersortunit ingerlatsinermik iluanni nakorsaatinik passussinissaminntu akuersissutaateqartunit.
- 4) Niuertarfinnit nakorsaatinik pisiassanik tuniniaanissamut passussinissamullu akuersissutaateqartunit.

Imm. 2. Niuertarfinni nioqqtissanik assigiingitsunik ikinnerpaamik peqarnissaq kiisalu akuersissutaateqarnermut akitsuutit pillugit imm. 1, nr. 4 naapertorlugu akuersissutinik tunniussisinnaaneq utertisisinnaanerlu pillugit Naalakkersuisut malittarisassanik erseqqinnerusunik aalajangersaasinnaapput.

§ 14. Nakorsaatit pisiassat taamaallaat tuniniarneqarsinnaapput tunniunneqarsinnaallutilluunniit nakorsaatip akui, atorneqarnissaa, sunniutai, ilakutai ilisimaneqartut, annertussusiliineq inassutigineqartoq, toqqorsimaneqarnissaalu pillugit kalaallisut qallunaatullu paassisutissiisumik puuanut ikisamik allagartaqartillugit. Allagartaq nakorsaatip puuanut ikisaq nakorsaammut ilanngullugu puuani matoqqasumiitillugu imaluunniit nakorsaammut aalajangersorluarneqarsimatillugu tunniunneqassaaq.

Imm. 2. Puuanut ikisaq allagartaq Nakorsaatit pillugit ataatsimiitaliamut tusarniaareernikkut Nunatta nakorsaataasivianit akuerineqarsimassaaq.

Nakorsaatit innersuussutigineqartussaasut

§ 15. Nakorsaatit innersuussutigineqartussaasut paasineqassapput tassaasut nakorsaatit akuerisaasut tamarmik nakorsaatitut pisiassaanngitsut.

§ 16. Nakorsatinik innersuussutigineqartussaasunik tunniussisinnaatitaapput taamaallaat inuit akuersissutaateqarfimmik iluani peqqinnissamik suliaqartut uumasullu nakorsaat.

Imm. 2. Nakorsaatit innersuussutigineqartussaasut tunniussisinnaasunngitsumit napparsimasumut taamaallaat tunniunneqarsinnaatitaapput aatsaat nakorsatissanut allagartami imaluunniit nakorsaatit tunniunneqarnissaannut allagartaliussami tamanna eqqortumik uppernarsarneqarsimappat.

Imm. 3. Nakorsatissanut allagartat aamma nakorsaatit tunniunneqarnissaannut allagartaliuttakkat pillugit Naalakkersuisut erseqqinnerusunik malittarisassaliorssinnaapput.

§ 17. Nakorsatinut innersuussutigineqartussaasunut nalunaarutigineqartussaasunullu allattuiffimmi A-mi ilangunneqarsimasunik nakorsatinik atuineq malittarisassat Naalakkersuisunit aalajangersarneqarsimasut malillugit nalunaarutigineqartussaavoq.

Uumasunut nakorsaatit

§ 18. Uumasunut nakorsatinik, matuma ataani nerukkaatissanik aamma nerukkaatissanut tapinik hormonitalinnik imaluunniit nakorsatinik allanik akulinnik tunniussinissaq aatsaat pisinnaavoq uumasut nakorsaata innersuussineratigut, taamaattoq takuuk imm. 2.

Imm. 2. Nakorsaqarfimmi nakorsaq uumasut nakorsaata suliassaani ingerlataqarpal uumasunut nakorsatinik tunniussineq nakorsap innersuussineratigut pisinnaavoq.

Imm. 3. Uumasunut nakorsaatit, matuma ataani tigumminnikkallartarnissami piffissat nakkutilliisarnissallu Naalakkersuisut erseqqinnerusunik malittarisassaliuussinnaavaat.

Kapitali 4

Nakorsaatit pillugit pilerisaarineq

§ 19. § 7 naapertorlugu Kalaallit Nunaani nakorsaatit akuerisaasumik nioqqutigineqarsinnaasut tunniunneqarsinnaasulluunniit kisiisa pillugit pilerisaarioqarsinnaavoq.

Imm. 2. Nakorsaatit pisassat kiisalu illersuutissanik akiuussutissaliinerit pitsaliuinerillu pillugit ussassaarerit Naalakkersuisunit akuerineqartut kisiisa pillugit tamanut ammasumik pilerisaarioqarsinnaavoq.

§ 20. Nakorsaatit pillugit pilerisaarineq tamakkiisumik pineqartumullu tunngalluinnartumik pissaaq. Pilerisaarut uukapaatitsisuussanngilaq nakorsatillu piginnaasaanik ingasattajaarissanani.

§ 21. Nioqutissiat allat nakorsaataanngitsut inuit uumasulluunniit nappaataasa katsorsarnissaannut pinaveersaartinneqarnissaannulluunniit naleqquttutut tamanut ammasumik toqqaannartumik toqqaannangitsumilluunniit ussassaarutigineqaqqusaangillat.

Imm. 2. Nioqutissiat allat nakorsaataanngitsut imm. 1-imi taaneqartutut sunniuttarnerat pillugu pisuni immikkut ittuni akuersissuteqarnikkut pilerisaarutigineqarsinnaanerat Naalakkersuisunit malittarisassaliunneqarsinnaavoq.

§ 22. Peqqussut manna naapertorlugu pilerisaaruteqarnermut atatillugu pilerisaarisarneq tuniniaasarnerlu pillugit inatsisiliat allat aammattaaq maluginiarneqassapput.

Imm. 2. Nakorsaatit, matuma ataani nakkutiginninnissat nakkutilliisarnissallu ilanggullugit pillugit pilerisaarinissamut Naalakkersuisut erseqqinnerusunik malittarisassaliorsinnaapput.

Kapitali 5

Aalajangersakkat allat

Nakorsaatit pillugit kisitsisitigut takussutissiat

§ 23. Peqqinnissaqarfipnakorsaatinik atuinera pillugu kisitsisitigut paassisutissanik Nakorsaataasivinnut nuna tamakkerlugu qullersaq ukiumoortumik suliaqartassaaq. Tamanna pillugu Naalakkersuisut erseqqinnerusunik malittarisassaliorsinnaapput.

Pineqaatissiinerit nakkutilliinerlu

§ 24. § 6, imm. 1, § 7, imm. 2, § 9, imm. 1, § 10, imm. 1-2, § 13, imm. 1, § 14, imm. 1, § 16, imm. 1-2, § 18, imm. 1, § 19, imm. 1-2, § 20 aamma § 21, imm. 1 naapertorlugin aalajangersakkankin unioqquitsinerit pillugit akiliisitsisoqarsinnaavoq. § 7, imm. 3-mi, oqaaseqatigii aappaata nassatarisaanik peqqusissummik inerteqquummilluunniit naapertuutsitsinnginnej akiliisitsinertaqarsinnaavoq.

Imm. 2. § 7, imm. 3, § 9, imm. 1 naapertorlugin aalajangersakkankin unioqquitsinikkut nakorsaatit pineqartut arsaarinnissutigineqarsinnaapput.

Imm. 3. Imm. 1-imi ilangunneqartunik unioqquitsinerit, aktieselskabimit, anpartsselskabimit, andelsselskabimit assigisaannilluunniit unioqquitsinerit ingerlatitsivimmut akiliisitsissutaasinnaapput. Namminersornerullutik Oqartussanit, kommunemit imaluunniit communalbestyrelsit, nunaqarfinni aqtsisut il.il. pillugit inatsisartut inatsisaanni § 64-imi ilaaqartunit kommunet ataatsimoorussaanit unioqquitsinerusimappat Namminersornerullutik Oqartussanit, communalbestyrelsimeut imaluunniit kommunet ataatsimoorussaanut akiliisitsissutaasinnaavoq.

Imm. 4. Peqqussut manna naapertorlugu najoqutassiani unioqquitsinernut akiliisitsinissamik arsaarinninnissamillu qanoq iliuuseqartoqarnissaa aalajangersarneqarsinnaavoq.

§ 25. Nakkutilliinerit, uppernarsaasussaatitaanerit, inunnillu suliffeqarfinnillu nakorsaatinik passussisinnatitaasunik nakkutilliinerit pillugit maleruagassanik erseqqinnerusunik Naalakkersuisut aalajangersaasinnaapput.

Imm. 2. Kalaallit Nunannut nakorsaatinik eqquissuineq pillugu § 9, nakorsaatit pisissat

tuniniarneqarsinnaallutillu tunniunneqarsinnaasut pillugit § 13, imm. 1, allagartat nakorsaatip puuanut ikisat pillugit § 14, imm. 1 aamma § 13, imm. 2 naapertorlugu aalajangersakkat naapertorlugit nakorsaatit isumannaatsuunissaat eqqarsaatigalugu Nakorsataasivinnut nuna tamakkerlugu qullersaasq pisariaqartumik nakkutilliisinnaavoq. Nakorsataasivinnut nuna tamakkerlugu qullersaq piginnaatinneqarpoq eqqartuussivimmit akuersinertaqanngitsumik nakorsataasivinnut, pisiniarfitt initaannut assigisaannullu isernissamut, nakorsatinik uninngasuutinik takuniaajartorluni misissuiartorlunilu. Aalajangersimasunik peqqussuteqarnissamut inerteqquteqarnissamullu maleruagassanik Naalakkersuisut aammattaaq aalajangersasinnaapput.

Imm. 3. Uumasut nakorsaattut pisortaasoq, uumasunut nakorsaatit pillugit § 18, imm. 1-2 aamma § 18, imm. 3 naapertorlugu aalajangersakkat naapertorlugit inuussutissat isumannaatsuunissaat uumasullu atugarissaarnissaat eqqarsaatigalugit pisariaqartumik nakkutilliisinnaavoq. Uumasut nakorsaattut pisortaasoq piginnaatinneqarpoq eqqartuussivimmit akuersinertaqanngitsumik nakorsataasivinnut, illuutinut inuussutissarsiutigalugu uumasuuteqarfinnut assigisaannullu isernissamut, nakorsatinik uninngasuutinik uumasuutinillu takuniaanissamut misissuinissamullu. Aalajangersimasunik peqqussuteqarnissamut inerteqquteqarnissamullu maleruagassanik Naalakkersuisut aammattaaq aalajangersasinnaapput.

Imm. 4. § 6, imm. 1-imi, § 7, imm. 2-mi, § 16, imm. 1 aamma 2-mi kiisalu §§ 19-21-mi aalajangersakkat eqquutsinneqarnersut Peqqinnissakkut Nakkutilliisoqarfup nakkutigai.

Atortuulernerani atorunnaarsitsinermilu aalajangersakkat

§ 26. Inatsisartut peqqussutaat manna 1. januar 2006 atortuulissaq.

Imm. 2. Atortuulernerata peqatigisaanik makku atorunnaarsinneqarput:

- 1) Nakorsaatit pillugit inatsit nr. 327 26. juni 1975-imeersoq.
- 2) Nakorsataarniarfinnik ingerlatsineq pillugu inatsit nr. 209 11. juni 1954-imeersoq.
- 3) Nersutaatit nappaataat pillugit inatsimmi nr. 814-imi 21. december 1988-imeersumi § 40 (nakorsaatit pillugit inatsit), kunngip peqqussutaatigut nr. 858-ikkut 18. december 1991-imeersukkut atortuullersinneqartoq.
- 4) Nakorsataarniarfinnik ingerlatsineq pillugu inatsimmi § 11, kunngip peqqussutaatigut nr. 12-ikkut 9. januar 1980-imeersukkut atortuulersinneqartoq.

Namminersornerullutik Oqartussat, ulloq 12. maj 2005

Hans Enoksen

/

Asii Chemnitz Narup

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqtaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut